

## IL MESE DI MARIA

( Maggio )

Per tanto ben che ghe voeurom ai noster mamm, quand ghe pensom,  
Chissà che gran regal, a podé, ghe faressom!  
El Signor a la sua Mama 'l g'ha regalàa  
El mes pussé bel che l'ha creàa:  
El mes de magg pien de So e de color  
Coi praa tutt verd e tanti fior.

Ma 'l regal pussé bel me l'ha fa a num  
Quand de la Crus el g'ha dì a Vun  
Perché 'l savesser tucc quei che vegnarà:  
"Questa l'è la tua Mama: portela a càa!"  
Da quel moment la Santa Madona  
L'è diventada la nostra Mama, la nostra Patrona.  
La pregom, la pensom, la ciamom tutt l'an, benintes,  
Ma ghe voerom fa festa specialment in del so mes.

A vem volontera in di so Santuari  
E l'è on gran confort, davanti a Lee, di i noster Rosari.  
O Madona Santa, insema ai noster mamm,  
Tegnom arent, tegnom visin, damm ona man  
Te vedet come semm tribulàa  
In sto pover mond, persin 'n di noster càa!

Te set la nostra Mama, la nostra speranza  
E de vorem ben te ghe ne mai 'bastanza,  
Fin a quel dì che te me vegnaret a toeu  
Per compagnam incontra al To Santo Fioeu.



*da Don Arnaldo*